

BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
OPĆINSKI SUD U GORAŽDU
Broj: 45 0 St 048916 25 St
Goražde, 28.05.2026. godine

OPĆINSKI SUD U GORAŽDU, stečajni sudija Muris Tatarin, u stečajnom postupku nad imovinom stečajnog dužnika "PN GROUP" d.o.o. Goražde, ulica Alije Hodžića broj 13, MBS: 1-398, JIB: 4245053160007, odlučujući o prijedlogu za zaključenje stečajnog postupka koji je podnesen od strane stečajnog upravnika Amre Alajbegović Orić, nakon održanog ročišta dana 26.05.2026.godine, kome je prisustvovao stečajni upravnik i stečajni povjerioci dana 28.05.2026. godine donio je sljedeće:

R J E Š E N J E

Zaključuje se stečajni postupak nad imovinom stečajnog dužnika "PN GROUP" d.o.o. Goražde, ulica Alije Hodžića broj 13, MBS: 1-398, JIB: 4245053160007.

Nakon pravosnažnosti ovog rješenja navedeno privredno sruštvo brisat će se iz Registra društava kod Općinskog suda u Goraždu (MBS broj: 1-398) i svih javnih registara.

Pravne posljedice zaključenja stečajnog postupka nastupaju u roku od osam dana od dana objavljivanja rješenja u "Službenim novinama Federacije BiH".

Rješenje o zaključenju stečajnog postupka zbog nedovoljnosti stečajne mase objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u "Službenim novinama Federacije BiH" objavit će se samo izreka rješenja.

O b r a z l o ž e n j e

Punomoćnik predlagača "PN GROUP" d.o.o. Goražde, ulica Alije Hodžića broj 13, advokat Borovac Omer dana 03.03.2025. godine podnio je prijedlog za otvaranje stečajnog postupka nad društvom "PN GROUP" d.o.o. Goražde. Uz prijedlog za pokretanje stečajnog postupka dostavljena je odluka direktora-osnivača Društva kojom je utvrđen prestanak poslovanja privrednog društva "PN GROUP" d.o.o. Goražde iz razloga ne obavljanja registrovane djelatnosti.

Rješenjem ovog suda broj: 45 0 St 048916 25 St od 27.11.2025. godine otvoren je stečajni postupak nad imovinom stečajnog dužnika "PN GROUP" d.o.o. Goražde, ulica Alije Hodžića broj 13, MBS: 1-398, JIB: 4245053160007.

U svom izvještaju od 24.02.2026.godine stečajni upravnik Amra Alajbegović-Orić je navela da na osnovu uvida u poslovne knjige na dan otvaranja stečajnog postupka, knjigovodstvene dokumentacije konstatuje da stečajni dužnik nema imovine koja spada u stečajnu masu. Kada je u pitanju ekonomsko stanje stečajnog dužnika ističe da ne obavlja privrednu djelatnost za koju je osnovan i registrovan od 2014. godine. S tim u vezi stečajni

upravnik je predložila skupštini povjerilaca da prihvati izvještaj stečajnog upravnika jer je isti sačinjen po pravilima struke i u skladu sa pozitivnim zakonskim propisima.

Na osnovu iznesenog evidentno je da stečajni dužnik "PN GROUP" d.o.o. Goražde ne raspolaže nikakvom pokretnom niti nepokretnom imovinom, ne raspolaže nikakvim novčanim sredstvima na žiro računu niti blagajni, nema nezastarjelih evidentiranih potraživanja koja bi se mogla unovčiti, te činjenicu da su mu računi kod komercijalnih banaka blokirani od 2014. godine, od kada i ne obavlja poslovne aktivnosti zbog kojih je i registrovano. Zbog naprijed navedenog konstatuje se da nije moguće formirati stečajnu masu koja bi služila za namirenje prijavljenih potraživanja.

U skladu sa članom 197. Zakona o stečaju ("Službene Novine F BiH" broj: 53/2021 i 19/2025) izvršena je prijava nedovoljnosti stečajne mase za ispunjenje dospelih obaveza. Zbog nedovoljnosti, odnosno nepostojanja stečajne mase stečajni dužnik neće biti u mogućnosti ispuniti ni eventualne buduće obaveze koje bi nastale daljim vođenjem stečajnog postupka.

Imajući u vidu da je prijedlog za zaključenje stečajnog postupka osnovan, sud je u skladu sa članom 190. i 204. Zakona o stečaju donio rješenje kao u izreci.

Stečajni sudija

Muris Tatarin

Pouka o pravnom lijeku:

Protiv ovog rješenja stečajni povjerioci i stečajni dužnik imaju pravo žalbe u roku od 8 dana od dana objavljivanja u "Službenim novinam F BiH". Žalba se podnosi Kantonalnom sudu u Goraždu putem ovog suda.